

## Imbabura - Huarmicuna Dios Escribichishca - Wives Scriptures

Efesios 5:22-24 Huarmicuna, cangunapaj cusacunataca, Apunchi Jesusta cazunshna cazuichi. 23 Cristoca, tandanajuj crijcunataca umashnami mandajun. Shinallata cusapash, huarmitaca umashnami mandajun. Cristoca, crijcunata Quishpichijmi. Crijcunaca, paipaj cuerposhnamichi canchi. 24 Tandanajuj crijcuna Cristota cazunshnami, cusacuna imaguta mandajtapash, huarmicunaca tucuipi cazuna canguichi.

Efesios 5:31,33 “Shinamandami jarica, paipaj taita mamata saquishpa, paipaj huarmihuan causangapaj tandanajunga. Shina tandanajushpaca ishcai cashpapash, shujlla cuerposhna tucushpami causanajunga” nijunmi. 33 Shina nishpaca, tucuicunami quiquinllata juyarinshna, cangunapaj huarmitapash juyana canguichi ninimi. Shinallata huarmipash, cusataca alicachishpa cazuchun ninimi.

1 Corintios 7:3 Cusaca, cazarashca cashcashnallata, paipaj huarmiman imata cashpapash pactachishpa causachun. Shinallata huarmipash, cusahuan chashnallata causachun.

1 Corintios 7:34 Shinallata cusayu huarmica shuj yuyaita, jarihuan nara tacarishca cuitsaca shuj yuyaitami charin. Jarihuan nara tacarishca cuitsami, cuerpondi almandi Diospajlla causashpa, Apunchi Jesusta yariashpa causan. Ashtahuangarin cusayu huarmica, cusata cushichingapajmi, cai pachapi imapash tiajtalla yariashpa causan.

Colosenses 3:18 Huarmicuna, cangunapaj cusacunataca, Apunchi Jesusta crij cashcamandami, aliguta cazuna canguichi.

1 Timoteo 2:11-15 Huarmica, upalla yachajushpa, imapipash cazuchun ninimi. 12 Huarmitaca, jarita yachachijuchumbash, mandajuchumbash na saquinichu. Ashtahuangarin upalla tiachun ninimi. 13 Diosca, Adán runatami punda rurashca. Chai jipami, Evatapash rurashca. 14 Adanga, na umai tucurcachu. Ashtahuangarin huarmimi umai tucushpa, Dios mandashcataca na cazurca. 15 Shina cajpipash huarmica, huahuacunata charishpa, aliguta crishpa, juyaita charishpa, Diospajlla causashpa catijushpaca quishpiringami.

Génesis 3:16 Huarmitaca cashnami nirca: —Huahuata can vijsayu tucushca punllacunapica, ashtaca nanaitami mirachisha. Chaimandami, huahuacunataca nanaihuan ungunui. Shinallata cambaj munaica, cambaj cusapajmi canga. Paimi, candaca mandanga— nircami.

1 Pedro 3:1,2 Shinallata huarmicunapash, cangunapaj cusataca cazunami canguichi. Shina cazujujta ricushpami, Diospaj Shimita na crij cusapash, canguna na villajpillata crij tucunga. 2 Canguna aliguta causashpa cazujujta

ricushpami, cusapash cringa.

Tito 2:1-5 Ashtahuangarin canga, aliguta yachachijpi yachajushcatalla villangui. 2 Ruculla taitacunaca, ama juizu illaj, ama pugllarijuchacun yachachingui. Shinallata aligutapacha yarishpa causajcuna cachun, alipacha crij, pitapash juyashpa, na ñapash fiñarishpa causaj cachun yachachingui. 3 Shinallata payalla mamacunapash, Diostalla yariashpa causaj, pitapash na yangata parlashpa, na machashpa, aligutalla rurashpa causaj cachun yachachingui. 4 Shina causashpaca, chairalla huarmicunatapash, paicunapaj cusata, huahuacunata juyashpa causachun yachachijcuna cachun. 5 Shinallata imatapash aliguta yarishpa, juyaila causashpa, huasipipash aliguta cuidashpa causachun yachachijcuna cachun. Shujcunatapash llaquishpa, cusatapash cazushpa causanata yachachijcuna cachun. Taita Diospaj Shimitaca, pipash ama nalicachijuchunmi, chashna rurachun yachachina cangui.

Proverbios 12:4 Tucui ali huarmiguca, paipaj cusapaj coronagushnami. Ashtahuangarin nali huarmica, paipaj cusapaj tullucunata ismuchij ung:uishnami.

Proverbios 14:1 Alipacha yachajushca huarmica, paipaj huasi ucu purataca, aliguta huasichinshnami charin. Ashtahuangarin shinlli shungu huarmica, paipaj maquihuan urmachinshnami charin.

Proverbios 19:13 Shinlli shungu churica, taitata llaquichishpallami causan. Fiñarishpa rimajujlla huarmipash, cati cati tamia yacu shutujunshnami.

Proverbios 21:9,19 Jatun huasi ucupi causashpapash, imatapash nirijushpa ninandapacha fiñachijujlla huarmihuan causangapaj randica, huasi jahua uchilla ucugupi causanami ashtahuan ali. 19 Imatapash nirijushpa, ninandapacha fiñachijujlla huarmihuan causangapaj randica, jichushca pambapi causanami ashtahuan ali.

Proverbios 25:24 Jatun huasi ucupi causashpapash, imatapash nirishpa fiñachijujlla huarmihuan causanapaj randica, huasi jahua uchilla ucugupi causanami ashtahuan ali.

Proverbios 27:15,16 Tamia punllacunapi yacu shutujujlla huasipi causanapash, imatapash nirijushpa fiñachijujlla huarmihuan causanapash, chashnallatami llaquichin. 16 Shina huarmita jarcangapaj munanaca, huairata jarcangapaj munashcashnami. Na cashpaca, aceiteta ali lado maquihuan japishpa, maqui ucupi charingapaj munashcashnami.

Proverbios 31:10-31 Tucui ali huarmigutaca, ¿pita tari ushangayari? Shina ali huarmiguca, punchapamba juyaila rumicunatapash yalipachami. 11 Paipaj cusapash, tucui shungumi paita yariashpa causan. Paihuanga, imagupash na illaj causanllu. 12 Chai huarmiguca, llaquichingapaj randica, alitallami paipaj tucui causaipi rurashpa causan. 13 Milmata, linota mascashpa randishpami,

paipaj maquihuanga tucui munaihuan imagutapash ruran. 14 Jatun barco jatunahuan shamunshnami, micunaguta apamushpa carumanda chayamun. 15 Narapash pacarijpillata ucha jatarishpami, paipaj tucuilla familiaman micunaguta caran. Shinallata paita servij huarmicuna micuchumbashmi caran. 16 Ali alpaguta ricushpa randishpami, chai alpapica paipaj maquihuambacha uvasta tarpushpa, ali chagraguta ruran. 17 Paica, shinlli chumbilishcami purijun. Paipaj rigrahuambash, shinllipachami imagutapash ruran. 18 Randishcapash, jatunapash ali llujshichunmi ricuriajun. Paipaj lamparapash, tutacaman rupajunllami. 19 Shuj maquihuanga puchata, caishuj maquihuanga tornota muyuchishpa puchajunllami. 20 Imagutapash na charij, imagupash illajcunamambash, maquita chutashpami, imagutapash caran. 21 Rasujupi, paipaj familiacuna chirichinatapash na manllanllu. Paipaj tucui familiacunapash, racu churajunata churajushca purinajupimi na manllan. 22 Jatanacunatapash, paillatami ahuan. Paipaj churajunapash, ashtahuan ali linota ahuashca, yana puca churajunami. 23 Llactata mandaj rucucunahuan, pueblo pungupi tandanajushpa paipaj cusa tiarijica, tucucunami rijsin. 24 Baitacunata ahuashpami jatujun. Jatushpa randishpa purijcunamambash, chumbicunatami jatujun. 25 Paipaca ushaita charinapash, alicachi tucunapash juyaila churajunaguta churajushcashnami. Jipa punlla ima tucunatapash, asinshna na manllanllu. 26 Paica, alipacha yachajushca cashpami, imagutapash riman. Llaquishpa causanatami yachachishpa mandan. 27 Huasipica, imagupash ali cachunmi ricuriajun. Paica, na yanga micushpalla causanllu. 28 Paipaj huahuacuna jatarishpapash, cushijushcami cangui ninajunmi. Cusapash, cashna nishpami alicachijun: 29 “Tauca huarmicunami, alita ruranajun. Ashtahuangarin canmi, tucui paicunata yali cangui” nijunmi. 30 Juyaila ñavi cashpapash umachinllami. Juyailagu cashpapash yangallami. Ashtahuangarin Mandaj Diosta manllaj huarmimari, alicachi tucunga. 31 Paipaj maquiahuan imatalla rurashcamandaca, paimambash ima aligutapash cinguichiyari. Pai imatalla rurashcamandaca, pueblo pungupipash alicachinguichiyari.

Pastor T. John Franklin  
Church of Salvation, Healing, and Deliverance  
COS-HAD.org